

立鬮書人賴劉氏仝夫賴叁在日生下男子有二長子沛次攀皆娶婦完成長產下一女次生下一男名為瑄仲兩兒不幸具係早喪世事浩繁泊業守理氏自思老年孫兒未長成立請家親到家商議將夫堂姪墜立為胞親娶婦與他為家生孫付沛接承沛香煙老氏自願將家所有田園物業以作二份均分近存厝前田壹段為養贍之資又另存厝邊仔份田壹段并菓子竹木下邊園壹小坵住宅付長孫帶理家門四事其餘物業配搭二股均分長房份下業歸墜管耕次房份下業歸瑄仲掌耕其內中所有借欠他人銀項配業帶還不得推委但願家道和睦勤儉為家以遂我志氏所愿也慮恐後來日久難料無端氏立請家長到家配搭公平拈鬮為定各業歸管國課歸完恐口無憑立鬮書式帑壹樣各執壹帑子孫永為存炤

知見人堂叔賴富(花押)

承(花押)

放(花押)

代書人堂叔賴暢(花押)

日立鬮書人賴氏(花押)

乾隆陸拾年 正月

計開

一存厝前壹段為養贍之資 一存公業邊仔分田壹段 又存柿仔宅王梨宅下埔園壹小坵併竹園住宅以為長孫掌管辦理家事 各業帶國課納租每年該納大租粟捌石零肆升一合

一鬮墜 應得中分田東分一半為一鬮 又路南沙仔田北勢壹半并溪州仔一半為一鬮又大分田第二埕帶南勢為一鬮

又大坵园埤仔頭南勢，為一鬮 各業帶國課納租每年該納大租粟伍石伍斗滿

二鬮瑄應得中分田分西勢，為二鬮 又路南勢沙仔田併溪州田南壹半帶安平鎮仔田為二鬮又大分田第壹埕帶北勢為二鬮

又大丘园北頭為二鬮 各業帶國課納租每年該納大租粟伍石伍斗滿